




Broj: 110/3-05/22

Datum: 10.05.2022. godine



PARLAMENTARNA SKUPŠTINA BIH
DOM NARODA
N/r. Predsjedatelja, dr. Dragan Čović

PREDMET: Izmjene Zakona o plaćama i naknadama - MOLIMO VAŠU PODRŠKU

Poštovani,

u ime Sindikata Uprave za indirektno – neizravno oporezivanje obraćam Vam se sa zamolbom da podržite izmjene Zakona o plaćama i naknadama uposlenih u institucijama BiH, koje predviđaju povećanje koeficijenta za obračun plaće svim uposlenim u institucijama BiH, a čiji je trenutni koeficijent ispod 3.

Ukazujemo da je, prilikom izrade Zakona o plaćama i naknadama uposlenih u institucijama BiH napravljena ogromna razlika u koeficijentima, a ova predložena promjena upravo smanjuje tu razliku.

Trenutna razlika između posljednje obuhvaćenog koeficijenta koji iznosi 2,73 i koeficijenta koji nije obuhvaćen (šef grupe, šef carinske ispostave) 3.25 iznosi 0,52, što prilikom izračuna plaće iznosi oko 250 KM, a što je upravo i razlog zbog kojeg isti nisu uključeni u izmjene.

Ovim izmjenama pomoglo bi se zaposlenima čija je osnovna plaća od 475,69 KM do 1.300 KM, pri čemu bi svi linearno dobili iznos od oko 95,00 KM.

Ukazujemo da upravo ovoj kategoriji uposlenih izmjena koeficijenta mnogo više znači od najavljenog povećanja osnovice, jer povećanjem osnovice dobijaju samo 65,00 KM, a kako raste koeficijent tako raste i iznos koji pojedinci dobijaju povećanjem osnovice, iz kojih razloga smatramo da je izmjena koeficijenta mnogo bolja i pravednija opcija za povećanje plaće od povećanja osnovice.

Imajući u vidu sve navedeno, ovom prilikom molimo da podržite izmjene Zakona o plaćama i naknadama koji je uvršten u dnevni red za sjednicu zakazanu za dan 16.05.2022. - ponedjeljak, s obzirom da bi se usvajanjem ovih izmjena ispravila nepravda i pomoglo najugroženijim kategorijama uposlenih u državnim institucijama, te da na taj način pokažete da brinete o istim. Razlog više da podržite izmjene ovog Zakona jeste svakodnevni rast cijena i povećanje troškova života, što posebno osjeća i trpi ova kategorija uposlenih, koja živi na rubu egzistencije.

Smatrajući da uvidate opravdanost ovog traženja, molimo Vas da sa sadržajem ovog akta upoznate Kolegij Doma naroda, kao i sve izaslanike, na čemu unaprijed se zahvaljujemo i toplo Vas pozdravljamo.

S poštovanjem,



Predsjednica Sindikata UNO

Ana Mrnjavac

Dostavljeno:

- Naslovu
- Uprava za indirektno - neizravno oporezivanje BiH
- a/a